

彙纂麗史 卷之一

目錄  
世家

リ 6  
4062  
1






門リ伊  
號 4062  
卷 1-22

木齋家孰彙纂麗史凡例



一修史之法當先正其統體春秋魯史而記  
國之事且中朝歷代史法於外國興亡戰伐邊境  
分割皆在必書而東國史未嘗記中國之事此史  
家大綱領錯繆處故今稍變舊例宋金元興亡之  
際戰爭分裂頗為備著以正史家之體

一春秋書法天王崩列國君卒告則書不告則不書  
宋自太祖至哲宗崩皆自密州牒報今依經例書  
之南渡以後訃告不至故不書或依左氏例書之  
臣事時書帝崩事金元時書宋帝崩此書法之標





準也

一高麗史凡例準元史而作諸志逐條列錄有同掌故儀注非作史之體今輒依歷代史法改撰諸志錯綜成篇五百年間天文地理禮樂兵刑沿革之制咸萃一篇提要備論其得失瞭然睹矣所以傳志之體與編年並立互相為用不可偏廢

一諸名臣取其事同或功業名資相上下者裒類為傳系以論贊悉依漢晉唐宋史法

一邊境得失係國大事如抱州於義還屬高麗宋鑑錄之即東國通鑑等書皆闕而不錄且如徽宗朝

二醫往來事尤著明不可略而不書今悉依宋史書之

一東國被兵悉驗中朝史記根極其禍源而書之

一忠肅忠惠前後稱元麗史舊例尤錯今悉正之

一史家句法下字自有法例東人不曉敘事法門往往以俚語足之今輒竄易代下他字至於事係傳疑處不敢輒下一字杜撰其自他書添入者皆標其來處

一歷代史皆有外夷附錄今輒依之作契丹日本等傳



一 中朝兩漢晉南北朝唐宋修史皆以紀傳為重如  
通鑑綱目非史官所作即諸史紀傳隳括而就故  
其文燁然可觀東國雖有列傳其文俗而不典東  
國通鑑等書文第因之所以不逮中國史之爾雅  
也茲取列傳略加刪潤事增於舊十之一文省於  
前十之六以竣秉筆者撥入於編年策書勒成東  
國之大典焉

木齋家塾彙纂麗史目錄

卷之一

世家

太祖

惠宗

定宗

光宗

景宗

卷之二

世家



成宗

穆宗

顯宗

德宗

靖宗

文宗

順宗

宣宗

獻宗

肅宗

卷之三

世家

睿宗

仁宗

毅宗

卷之四

世家

明宗

神宗

熙宗



康宗

高宗

元宗

卷之五

世家

忠烈王

忠宣王

忠肅王

忠惠王

忠穆王

忠定王

卷之六

世家

恭愍王

恭讓王

卷之七

天文志

卷之八

五行志

卷之九



地理志

卷之十

地理志

卷之十一

禮志

卷之十二

樂志

卷之十三

輿服志

卷之十四

選舉志

卷之十五

百官志

卷之十六

食貨志

卷之十七

兵志

卷之十八

刑法志

卷之十九



刑法志

卷之二十

王后

神惠王后柳氏

莊和王后吳氏

神靜王后皇甫氏

義和王后林氏

文恭王后朴氏

獻肅王后金氏

文和王后金氏

元成王后金氏

元惠后金氏

順德王后李氏

思肅王后李氏

明懿王后柳氏

文敬王后李氏

恭睿王后任氏

順敬太后金氏

齊國大長公主

薊國大長公主



明德王后洪氏

德寧公主

魯國大長公主

諸院妃傳

淑昌院妃金氏 順妃許氏

慶華公主

禧妃尹氏

銀川翁主

惠妃李氏 益妃韓氏 定妃安氏 慎妃廉氏

氏

宗室傳

平壤公基 樂浪伯瑛 齊安公叔 順正君璿 承化侯温 永寧公縉

齊安公僭

大寧侯暉

襄陽公恕 定遠伯勻 永興君環 德興君璵

順安公琮

瀋王暉

卷之二十一

辛庶人傳

禍昌



卷之二十二

名臣列傳

洪儒 表玄慶 申宗謙 卜智謙 庾黔弼 朴

述熙 王式廉 朴守卿

王順式 諱 善弼 言 韋諲 與達 尹瑄 龔直

朴英規

崔凝 崔彥搗 王儒 崔知夢

徐弼 崔承老 韓彥恭 金審言

崔沆 蔡忠順 皇甫俞義

徐熙 諡

姜邯贊 智蔡文

卷之二十三

名臣列傳

崔冲

李子淵 黃周亮 柳伸 王寵之 魏繼廷

邵台南 文正 任懿 元厚

尹瓘 吳延寵

崔思諏 金仁存 高令臣 郭尚 崔弘嗣

李資玄 郭興

韓安仁 李永 韓冲 鄭沆 金若溫



卷之二十四

名臣列傳

李公壽 崔思全 金向

鄭克永 崔奇遇 高兆基 金守雌

李之氏 林完 朴挺蕤

金富軾

金富儀 尹彥願

崔惟清 讜 詵

卷之二十五

名臣列傳

鄭襲明 申淑 李公升

梁元俊 韓文浚 文克謙 林民庇

柳公權 趙求仁 李純佑

崔陟卿 咸有一 廉信若 李知命 庾資

諒

尹鱗瞻 杜景升 玄德秀 房瑞鸞 朴齊

儉

趙位寵

于學儒 洪仲方 陳俊 慶大升

崔世輔 朴純弼 李英措 李俊昌



丁彥真 鄭邦佑 鄭克溫

卷之二十六

名臣列傳

閔令謨 混 崔汝諧 崔遇清

宋訄 金光中 帶 安劉勃 柳光植

王珪 車若松 奇洪壽 金義元 允成 文漢

卿權世侯 白敦明 盧仁綏

琴儀 李淳牧 金敞 宋國瞻

李公老 崔滋 蔡松年

李仁老 吳世才 趙通 林春

木从

權守平 孫抃

金之岱 俞升日 庾碩

柳澤 皇甫瓘 李維城 崔允愷

李藏用 崔璘

卷之二十七

名臣列傳

趙冲 金就礪

金仁鏡 李勣 金君綏

朴犀 宋文胄 金慶孫 崔春僉

金希碑 李子晟 金允侯 金應德 陳子和

木从

一从



卷之二十八

名臣列傳

金方慶 金周鼎 柳璥

韓希愈 裴廷芝 元冲甲 金忻 羅裕益

禧

朱悅 薛公儉 伍允字 李承休 白文節

願正 郭預

洪奎 金之淑 李湊行儉嚴守安 金暉

鄭仁卿 金富允

卷之二十九

名臣列傳

鄭可臣 安裕 洪子藩 許共

俞千遇 趙仁規 璉 璋 朴恒

鄭珪 類 趙簡 李混 尹莘傑 朴孝修

安戩 崔守璜

沈謁 秋適 李仁挺 蔡福

韓康 元傳 權胆 溥 準

閔漬 許有全 崔誠之

金怡 崔有滄 金台鉉 光載

卷之三十



名臣列傳

閔宗儒

霽 朴全之

尹宣佐

洪彬

金倫

李兆年

韓宗愈

李穀

安軸

宗源

輔

王煦

金永晫

金

永煦

崔澐

張沆

李晟

趙廉

李伯謙

申君平

李齊賢

卷之三十一

名臣列傳

李公遂

柳淑

李仁復

元松壽

韓脩

李達衷

白文寶

李岳

尹澤

崔宰

宋天逢

李存吾

鄭公權

朴尚衷

金九容

田祿生

李茂方

鄭習仁

河允源

金續命

李子松

楊伯淵

洪仲宣

金濤

卷之三十二



名臣列傳

廉悌臣 柳濯 尹桓

金普 任君輔

林樸 李成瑞 李承老

睦仁吉 鄭之祥

金庚 羅興儒

鄭世雲 安祐 金得培 李芳實

金先致 趙暎 全以道

卷之三十三

名臣列傳

崔瑩

慶復興 安遇慶 吳仁澤 池龍壽

鄭地 邊安烈 王安德

黃裳 邊光秀 河乙訖 文達漢 尹可觀

羅世 禹仁烈 崔雲海

卷之三十四

名臣列傳

李穡

禹玄寶 鄭夢周 金震陽 徐甄 李養中

金澍



卷之三十五

名臣列傳

沈德符 朴歲 成石璘 樸長壽 池湧奇

金宗衍 李琳 曹敏修

姜淮伯 文益漸 趙云佐 金湊 王康

卷之三十六

名臣列傳

趙浚 鄭道傳

卷之三十七

名臣列傳

南閻 李豆蘭 尹紹宗 會宗 吳思忠 金士

衡 金子粹

卷之三十八

義列傳

楊規 洪瓘 金縝 金甫當 鄭顛 鄭文

鑑 金長壽

河拱辰 崔均 洪彥博

儒學傳

禹倬 吉再

卓行傳



韓惟漢 洪立功 文忠 崔婁伯 徐稜  
金遷 黃守 鄭愈

行人傳

鄭文 庾應圭 李純孝 宋彥奇 金守剛  
張鎰 金有成 金齊顏 朴宜中

良吏傳

王諧 金之錫 崔碩 鄭云敬 李寶林

卷之三十九

文苑傳

朴寅亮 金富侁 金黃元 李奎報 金竝

李崇仁 權近 李詹

卷之四十

方技傳

金謂碑 李寧 薛景成

宦者傳

鄭誠 白善淵 崔世延 任伯顏 方臣祐  
李大順 高龍普 金玄 安都赤 申小鳳  
李得芬 金師幸

酷吏傳

宋吉儒 沈于慶



壁幸傳

庾行簡 榮儀 金存中 鄭世臣 白勝賢  
康允紹 廉承益 李汾禧 權宜 蔡謨  
李德孫 林貞杞 朱仁遠 李英柱  
李之氏 印侯承旦 張舜龍 車信 盧英  
曾允通

卷之四十一

壁幸傳

吳潛 石胃 朴義 金元祥 尹秀 吉甫  
李貞 金文庇 李璘 元卿 朴景亮

全英甫 康允忠 裴佺 閔渙 尹碩  
孫琦 鄭方吉 林仲沈 姜融 申青  
朴青 王三錫 梁載 曹宰卿 崔老星  
尹賢 安珪 崔安道 李宜風 金之鏡  
李仁吉 盧英瑞 朴良衍 宋明理  
金興慶 潘福海 申元弼

卷之四十二

姦臣傳

文公仁 朴昇中 崔弘宰 崔衰侮 朴暄  
宋玠 王惟紹 宋邦英 柳清臣 權漢功



蔡河中 辛裔 田淑蒙 李春富 金元命  
金鉉 池齋 李仁任 林堅味 廉興邦  
卷之四十三

叛逆傳

桓宣吉 伊昕巖 康兆 李資謙  
柘俊京 妙清 鄭仲夫 李義方

卷之四十四

叛逆傳

李義旻 鄭方義 曹元正 石隣  
崔忠獻 怡 沆 竑

卷之四十五

叛逆傳

韓恂 洪福源 李現 趙叔昌 卓青  
趙暉 金俊 林衍 惟茂 趙彝 金裕  
李樞 韓洪甫 于琰 崔坦 裴仲孫  
曹頤 趙日新

卷之四十六

叛逆傳

金鏞 奇輟 盧頤 權謙 崔濡 洪倫  
金文鉉 金義 辛晫



卷之四十七

外夷附錄

契丹傳

女真傳

日本傳

木齋家塾彙纂麗史目錄

木齋家塾彙纂麗史卷之一

世家一

唐社既屋羅祚告終麗祖統三奄宅大東却戎臣宋  
 既絕而通傳序致治媾金保疆國步中否倒持太阿  
 黥髡介冑軒冕魏哉世濟權兇弁髦神祚聳伏海島  
 廟貌顛倒元師殛逆還復舊物金張而蹶宋嬴而覆  
 皇明威燁蒙竄于北國小而存大者先亾入貢金  
 陵正議孔揚楚歌亂竿策誤攻遼運訖德盡既於王  
 瑤嗚呼陰雲廓而太陽昇 真人作而禮教興作三  
 十二王世家





太祖神聖王世家

太祖神聖王姓王氏名建字若天漢州松嶽郡人父隆雄毅有并吞三韓之志娶韓氏家于松嶽之南有道人至而歎曰此地出聖人就爲書授隆曰敬拜于未來大君子其辭秘世莫知也明年建生于其第紫氣繞室狀若游龍時乾符四年丁酉歲也及建年十七則道人又至請見曰足下值百六之會三季蒼生待公弘濟因告以出師置陣之法望秩感通之理當是時也唐室衰天下大亂而新羅削弱東土分裂甄萱據南州稱百濟弓裔據句麗之地都鐵圓國號奉

封隆以郡歸于裔裔喜以隆爲金城太守隆說之曰大王欲王朝鮮肅慎下韓之地莫如城松嶽以吾舅建主之裔從之尋移都松嶽授建精騎大監命建伐廣忠清州悉平之授阿粲尋命建以舟師浮西海攻錦城郡拔之置羅州良州告急又命建救之及還裔問以邊事建陳安邊拓境之策左右屬目裔亦奇之天祐元年甲子唐被朱全忠劫遷于洛陽二年乙丑裔還都鐵圓歲丙寅命建攻尚州與營戰屢捷明年丁卯朱全忠篡唐稱梁帝裔欲并新羅呼爲滅都驕虐甚建懼思居外會裔授建大將軍往鎮羅州建推



誠撫士威惠並行將士咸奮陸海警服次光州獲營  
船之入吳越者擊珍島郡拔之營圍羅州久不解建  
進兵救之營列艦耀兵諸將色懼建乘風縱火燒營  
艦悉擊大破之營以小舸遁歸建次潘南縣浦有壓  
海賊帥能昌善水戰號獺寇與葛草島賊謀候建至  
害之建謂諸將曰能昌聞我至若與島賊并力勝敗  
未可知也今善泅者甲輕舸夜伏葛草港口擒往來  
計事者以壞其謀可也遂遣之果獲一小舸乃能昌  
也送于裔裔唾昌面曰海賊之雄今爲俘虜豈非我  
神筭乎乃斬之於是三韓之地裔有其二建之功也

加建波珍築兼侍中召之水軍之務委副將金言而  
征討之謀令稟建旨而後行建位冠百僚然非素志  
且畏讒不樂居位每出入公門平章國計抑情謹慎  
務得衆心好賢嫉惡出於天性見人被讒輒爲解救  
裔好讒訐訐曰盛株累滿獄積年未決建訊之立別  
真偽讒兇伏辜物情稱快由是勳賢宗室智計儒雅  
之流靡不受慕悅服建懼禍及復求闔外乃命建領  
水軍往羅州百濟及海寇聞其復至皆懾伏莫敢動  
建還復命時弓裔恣行無道妻康氏正色以諫裔怒  
燒鐵杵撞康氏殺之及其兩兒誣搆叛逆誅殺日數



百人將相大臣動輒遇害中外怨愴嘗急召建入怒目而視曰卿於昨夜聚眾謀叛何邪建顏色自若曰烏有是裔曰卿莫給我我能觀心故知也乃合眼負手仰天良久掌奏崔疑方在側故墜筆下庭取之因趨過建微語建悟乃曰臣實謀叛罪當死裔大笑曰卿可謂直也取鏤金鞍賜之曰卿毋敢復誑我遂以步將康瑄等副建增治戰艦百餘艘大船方十六步上爲樓可馳馬復往羅州是歲南方饑盜賊起士卒食半菽建盡心匡濟南徼無事時王侍中威德日盛諸將密有推戴之意弓裔暴而有神識嘗異建屢欲

殺建而不果其意蓋欲并羅濟而後遂殺也乃於貞明四年夏六月丙辰奉封諸將立侍中爲王弓裔走死先是唐商客王昌瑾買一古鏡懸於市日光斜映隱隱有細字可讀其文曰三水中四維下上帝降子於辰馬振法雷揮神電巳年中二龍見一則藏身青木中一則現形黑金東先操雞後搏鴨運滿一三甲白諸裔歎異之令宋舍弘白卓許原釋之則曰辰馬者辰韓馬韓也青木松也謂松嶽郡人可以爲君主也王侍中有王侯之相殆是歟黑金鐵也今所都鐵圓之謂也今主其滅於此乎操雞搏鴨者王侍中



御國之後先取雞林後收鴨綠之意也既而相謂曰  
如以實告王侍中必遇害吾輩亦族矣遂以他辭告  
至是騎將洪儒裴玄慶申崇謙卜智謙等夜詣建第  
夫人柳氏在諸將不欲令夫人聞其謀夫人起出諸  
將乃曰宇縣分裂羣盜雲擾主上奮臂一呼遂有遼  
左立國定鼎將二紀餘今不克終淫刑以逞 妻撲  
子誅戮大臣民墜塗炭籲呼神天商紂之惡不如是  
之甚也廢昏立明天下大義儒等願奉明公行殷周  
事侍中大驚作色曰建本忠義自許王雖暴亂敢有  
二心以臣伐君斯謂革命湯武之舉所不忍聞延陵

季子曰有國非吾節也吾雖不德竊附於延陵之節  
諸將曰時難遭而易失天與不取反受其咎赤子不  
堪毒痛日夜喁喁屬望於公功高者見忌權重則遭  
戮今之德望未有居公右者衆情所以危公也公若  
不從吾儕亡無日矣况昌瑾鏡文如彼豈有逆天違  
人而死於獨夫之手乎侍中拒之彌堅夫人竊聽之  
遽從帳中出曰舉義代虐從古而然今聞諸公之言  
妾猶思奮况大丈夫乎手提甲領而被之於是諸將  
扶擁而出黎明坐積穀上行禮訖令人馳且呼曰王  
公舉義旗矣國人聚於宮門鼓譟以待齊駭曰王公



得之吾事已矣微服出北門去內人清宮以迎卽  
位於布政殿國號曰高麗改元天授以金行濤爲廣  
評侍中黔剛爲內奉令林明弼爲軍部令林曦爲兵  
部令陳原爲倉部令閻萇爲義刑臺令是皆稟端方  
之性建佐命之勳者也林積璵能駁權寔金堙崔汶  
素以清謹稱故皆以爲卿蘇判宗侶等得幸弓裔誣  
陷良善及謀反者將軍桓宣吉伊昕巖皆誅之敘勳  
以洪儒等四人爲第一堅權等爲第二其第三等二  
千餘人王遂謂之曰朕與公等志切救民未克終守  
臣節以此爲功豈無慙德然而有功不賞無以勸將

來故有今日之賞於是禮遺逸納歸附賜百姓租民  
鬻子爲奴者錄一千口出內庫布贖良之徙民實平  
壤遣王式廉鎮之二年己卯春正月定都于松嶽之  
陽創宮闕置三省六官九寺立市廛辨坊里分五部  
置六衛三月朔十刹追謚三代曾祖考爲始祖祖考  
爲懿祖考爲世祖妣韓氏爲威肅王后三年春正月  
新羅王遣使來聘冬十月甄萱侵新羅來乞援王遣  
兵萱聞之引退四年春擊獲達姑狄由登州侵新羅  
者羅王謝之冬十二月冊子武爲正胤五年冬幸西  
京六年冬十月唐主李存勗滅梁初存勗之父克用



於唐季與全忠相構鬪全忠代唐而克用王於晉天下分裂宋文通王岐楊行密王淮南王建王蜀稱帝錢鏐王吳越王氏據閩馬氏據湖南劉氏據廣是時天下多事不復與東國通獨吳越時與萱通問而吳越國文士有來高麗者王厚遇之克用卒存勗嗣全忠爲其子弒末帝立而梁亂是年四月存勗稱帝于魏州國號唐唐主引兵渡河入大梁梁主自殺梁亡契丹主阿保機稱帝開國至是八年矣七年秋萱遣子須彌康等侵曹物郡命將軍哀宣救之哀宣戰死郡人固守須彌康等失利而歸九月新羅王薨王遣

使弔之八年渤海國爲契丹所滅其大臣軍民相繼來奔冬十月遣征西大將軍庾黔弼攻百濟王尋自將及萱戰于曹物郡黔弼引兵來會萱懼乞和以外甥真虎爲質王亦以堂弟王信交質以萱年長於王稱爲尚父而明年夏萱質子病死萱謂王殺之殺王信進軍熊津王命諸城堅壁不出曰吾非畏萱也俟其惡盈而自僵爾始遣張彬如唐莊宗爲亂兵所弒而李嗣源自鄴入立是爲明宗明年遣林彥如唐十年春正月王伐百濟龍州下之入運州攻熊州不克秋八月徇康州百濟諸城多歸附九月萱進襲新羅



高鬱府吟詠新羅告急王遣侍中公萱將兵一萬援之未至萱猝入羅都時羅王與妃嬪宗戚出遊鮑石亭聞兵至王與夫人走匿城南宮從臣伶官宮伎皆被擒萱入王宮縱兵大掠索王置軍中逼令自盡強辱王妃立王表弟傅爲王盡取子女百工兵仗珍寶以歸王聞之大怒遣使弔祭親率精騎五千邀萱於公山祠數大戰不利萱兵圍王甚急大將軍申崇謙金樂力戰死之王僅以身免冬十二月萱致書於王辭甚誇十一年春王答之曰足下見小利忘大義侵迫畿甸燒蕩宮闕斬戮君王汙辱中壺顛醢卿士度

劉士民可謂元惡大罪浮於莽卓者矣僕怨極崩天誠深却日必期泚水營中雪張耳千般之恨烏江亭上成漢王一捷之功竟息風波永清寰海天之所助命將何歸秋八月萱使官所城陽山王遣王忠擊走之取烏於谷城冬萱拔烏於谷將軍楊志明式等六人降于萱王集諸軍誅六人者妻子徇焉十二年秋七月萱以甲卒五千侵義城府將軍洪術戰死王哭甚悲冬萱圍古昌郡王自將救之十三年春正月王軍於郡北瓶山萱軍石山相去五百步大戰至暮萱敗走獲侍郎金渥死者八千餘人報至新羅王遣使



請見王羅之東海州郡百十城來降冬幸西京初學  
校十四年春二月辛亥王如新羅百官迎于郊相國  
于城外羅王出應門外羅王拜王亦拜羅王由左王  
由右揖讓而升王命諸臣拜羅王酒酣羅王流涕爲  
言甄萱左右皆泣王亦泣夏五月癸未王還都人士  
女感泣相慶曰甄氏之至如逢豺虎王公之來若見  
父母十五年夏五月西京大風王勅羣臣于天命之  
不易禍殃之可畏大星見東方十六年春三月唐遣  
太僕卿王瓊太府少卿楊昭業冊授王太保使持節  
玄菟州都督上柱國高麗國王授柳氏河東郡夫人

高麗王妃是時兵楊氏閩王氏皆已稱帝蜀王氏以  
萱入羅之歲而爲唐莊宗所滅孟知祥入蜀至是稱  
帝其後兵楊氏禪於徐氏自言唐後改姓李而稱南  
唐帝廣劉氏亦稱帝而王恪謹事中國自是除其天  
授年號奉後唐正朔冬十一月唐主殂十七年潞王  
從珂廢閔帝而自立夏五月王幸禮山鎮詔曰新羅  
政衰前主啓基及其季年毒流下民朕承危緒造此  
新邦經綸草昧不遑安處勞役瘡痍男婦未休流逋  
旣多號訴亦煩王親權勢之家亦安知不爲肆暴陵  
弱重困我赤子乎予以一身豈能家至而目覩乎公



卿將相各遣家臣無知者使其祿邑惟務割剝爾亦豈能盡知乎雖知而或不禁民有訴者爲官吏徇情掩護怨讟之興職競由此予嘗誨之欲使知之者增勉不知者能誠其違令者別行染卷猶以匿過爲賢不會舉奏善惡之實予曷由聞知如此寧更有改過秉節者乎爾等遵我訓辭聽我賞罰有罪者罰及子孫功多罪小量行賞罰過而不悛追其祿俸若其志切奉公終始無瑕生享榮祿歿稱名家苗裔優霑慶渥百世仰爲令範不亦美乎宜爾諸臣體予至意秋七月渤海世子大光顯來九月王征運州與萱戰大

敗之熊津以北三十城來降萱有子十餘人第四子金剛長而多智萱愛之欲傳其位兄曰神劍良劍龍劍伊朶能奐與良及龍謀勸神劍作亂幽萱於金山佛宇金山詩殺金剛十八年夏六月萱奔羅州請朝遣庾黔弼由海路迎之及至復稱萱爲尚父賜食邑楊州冬十月新羅王金傳遣使請朝王遣侍中王鐵往報十一月甲午羅王遂發百官士庶皆行香車寶馬亘三十里癸卯羅王入開京王備儀仗郊勞羅王入館於柳花宮以長女樂浪公主歸之己未羅王上書曰本國曆數已窮請以臣禮見不允羣臣奏曰天



無二日土無二王一國二君民何以堪宜如羅王之  
請許之十二月壬申御天德殿百僚畢會羅王庭見  
羣臣稱賀聲動宮掖於是拜傳為政丞位太子上新  
羅國除為慶州遣禮賓卿邢順等如唐十九年夏六  
月甄萱請曰老臣遠涉滄波來投聖化願仗威靈以  
誅賊子耳王初欲待時而動憐其固請乃從之遣正  
胤武將軍述熙領步騎一萬趣天安府秋九月王率  
三軍至天安府合兵進次一善郡地志一牟山郡今  
文義疑卽一善  
神劍以兵逆之甲午隔一利川一利川疑卽  
燕坡東津而陣王  
與萱觀兵以萱及大相堅權領馬軍一萬大將軍能

達等領步軍一萬為左綱大相金鐵洪儒等領馬軍  
一萬大將軍三順等領步軍一萬為右綱大匡王順  
式王廉領馬軍二萬大相庾黔弼等領黑水達姑鐵  
勒諸蕃勁騎大將軍貞順宗熙金克宗等領步兵五  
千為中軍大相公萱領諸城軍一萬援之三軍鼓行  
而前忽有白雲狀如劍戟起於師上向南而行百濟  
左將軍孝奉等見兵勢盛免冑降于萱賊兵喪氣王  
勞孝奉等問神劍所在曰在中軍王命大將軍公萱  
直擣中軍三軍齊進奮擊賊兵大潰虜將軍昕康等  
三千人斬級五千餘追至黃山郡岭連踰炭嶺駐營



馬城神劔良劔龍劔率文武官僚來降王勞之放還  
百濟將士誅能奐流良劔龍劔于真州尋誅之以神  
劔僭位為二弟脅宥其死於是萱憂懣卒於黃山王  
入百濟存問將士量才任用軍令嚴明秋毫不犯州  
縣安堵老幼呼萬歲唐河東節度使石敬瑭以是月  
舉兵叛遣使稱臣於契丹契丹主將五萬騎赴援立  
敬瑭為帝國號曰晉是為晉高祖唐主自焚死王既  
定三韓則曰使為人臣子者明於禮遂自製政誠一  
卷誠百僚書八篇頒諸中外二十年遣王規邢順如  
晉賀登極二十一年秋七月行後晉正朔二十二年

晉遣國子博士謝攀來冊王為開府儀同三司檢校  
太師二十三年春更州府號冬建功臣閣畫三韓功  
臣於東西壁二十四年遣大相王申一如晉獻方物  
二十五年夏六月晉主殂冬契丹遣使遺橐駝五十  
王以契丹於渤海渝盟而滅之為無道流其使于海  
島繫橐駝萬夫橋下皆餓死二十六年夏四月召大  
匡朴述熙授訓要十篇訓要曰我聞大舜耕歷山終  
受堯禪高帝起沛澤遂興漢  
業子亦起自單平謬膺推戴勞身魚思統一三韓叨  
居大寶二十五年身已老矣第恐後嗣縱情肆欲敗  
亂綱紀爰述訓要以傳諸後庶幾朝披夕覽永為龜  
鑑其一曰我國家大業資諸佛護衛是用初立寺院  
差遣住持使各治其業後有姦臣執政徇僧請謁爭  
奪寺社切宜禁之其二曰諸寺皆道誦推占山水順



逆而創之說云吾占定外安加創造則損地德祚業  
不永朕念後世國王后妃朝臣各增創願堂亦宜禁  
之新羅之末競造浮屠損薄地德以底於不肖禪於  
哉其三日傳國以嫡雖曰常禮然丹朱不肖堯禪於  
舜實為公心若元子不肖者立次子次子亦不肖立  
其兄弟之中羣下推戴者俾承大統其四曰惟我東  
方舊慕唐風文物禮樂悉遵其制殊方人性不必苟  
同契丹戎虜之國風俗言語自別衣冠制度慎勿效  
焉其五日朕賴三韓山川陰佑以致安寧其六曰德  
為我國地脈之根宜四仲巡駐以致安寧其六曰德  
燈所以事佛八關所以事天靈及五岳名山大川龍  
神也後世奸臣建白加減者切宜禁止其七曰人君  
得聖不信心為甚難欲得其心要在從諫遠讒從諫  
則聖不信則為難自止使民以時輕徭薄賦知稼穡  
之艱難則得民心國富民安古人云陰陽順矣其八  
曰車峴以南公州江外山勢背逆人心亦然彼下州  
郡人得與朝政與國威連婚或變亂國憲或銜統  
合之怨犯蹕生亂者必有之矣雖小已為定制不可  
位用事其九曰百官之視國大雖小已為定制不可

增減古典云以庸制祿官不以私若以無功親昵虛  
受天祿則不止下民怨謗其人亦不得長享福祿切  
宜戒之且強國為隣安不可忘危兵卒宜加護恤量  
除徭役每年秋閱勇銳出眾者隨宜加授其十曰有  
國有家徽戒無虞博觀經史鑑古戒今周公大聖無  
逸一篇進戒成王宜將圖揭出觀省十訓之終皆  
結以中心藏之寶五月王不豫謂羣臣曰漢文帝云  
字嗣王相傳為寶五月王不豫謂羣臣曰漢文帝云  
死者物之自然矣可甚哀前古哲王秉心如此予今  
視死如歸有何憂也漢文之言即予意也丙午大漸  
御神德殿命學士金岳草遺詔園陵制度依漢魏二  
文故事薨在位二十六年壽六十七諡曰神聖廟號  
太祖葬松嶽西顯陵王龍顏日角寬仁愛人性明達  
多大度化家為國統合三韓克成世祖之志其為治



以正朝廷爲務創法定制規模宏遠賞罰明而信節  
儉樂善頗好儒術然於聖人之學未之契也其制作  
燕貽不合先王之道者蓋多矣自以有國爲佛力述  
訓要其書多道佛事君子惜之以爲盛德之累云  
李齊賢贊曰忠宣王嘗言我太祖規模德量生於中  
國當不下宋太祖宋祖事周主盡力陳橋之變迫於  
羣情蓋出於不得已也我太祖事弓裔以不世之功  
處必疑之地國人歸心將士推戴然猶固讓欲徇延  
陵之節弔伐之事亦豈得已哉至若藝祖以江南李  
氏比之鼯睡卧榻則石晉所賂蓋視爲橐中物既取

北漢將長驅以定之耳我太祖當金傅不賓甄管未  
虜虜幸西都親巡北鄙其意亦以東明舊壤爲吾家  
青氈必席卷而有之豈止操雞搏鴨而已哉其創業  
垂統固宜一揆矣忠宣聰明好古中原博雅之士如  
王構閻復姚遂蕭奭趙孟頫虞集成遊王門蓋嘗與  
之尚論也

惠宗義恭王世家

王名武字承乾太祖長子也母曰莊和王后吳氏後梁  
乾化二年太祖欲立武爲嗣以吳后側微恐不得立  
壬申生乃取故笥盛柘黃袍賜后后以示大匡朴述熙述熙



請立武為正胤從討百濟功第一太祖薨嗣位元年  
遣韓玄珪金廉如晉時出帝立景延廣用事嫚語絕  
契丹丹主怒自將南侵晉擊敗之王遣使賀二年晉  
遣范匡政張季凝冊王授持節玄菟州都督上柱國  
初大匡王規譖王弟堯及昭有異圖王察其誣遇二  
弟益篤規謀奉甥廣院君為變嘗夜遣盜入卧內將  
弒王王覺手斃盜至是崔知夢奏流星犯紫微應有  
急兵王自神德殿潛徙重光殿規果率其黨鑽壁而  
入寢已空規見知夢拔劍罵曰必汝謀也乃退王亦  
不復問王有偉度智勇絕倫自是多疑忌常以甲士

自衛喜怒無常中外愁惴秋九月薨在位二年壽三  
十四謚曰義恭葬順陵

李齊賢贊曰王規之譖二弟即羽父求太宰之意也  
惠宗不能討其免於為氏之禍可謂幸也時去太祖  
棄代甫耳規之不義而得眾已能如漢魏之曹馬邪  
其未有以殛之何也嗚呼小人之難遠也如此可不  
戒哉按國君薨之明年正月嗣君告廟即位禮也故  
孔子作春秋備禮則書即位不則削太祖以丙  
午日薨而是日惠宗即位何  
其亟也舊史書即位今削

### 定宗章敬王世家

王名堯字天義太祖第二子母曰順聖王后劉氏太祖



六年癸未生初惠宗疾篤堯密與西京大匡王式廉謀應變而迷熙亦畏規擁兵以備之惠宗薨羣臣奉王卽位王疑迷熙有異志流于甲弗規輒矯殺之遂謀亂式廉引兵遽至規不敢動乃斬規誅其黨三百餘人時契丹主大舉南侵執晉主入大梁欲自帝中國尋北還而河東節度使劉知遠稱帝於太原是爲後漢王好佛奉舍利步十里所議移都西京創宮闕徙都民而實之怨讟胥興三年秋王御天德殿受東女真朝雷震殿角王驚不豫赦四年春疾篤召母弟昭內禪薨在位四年壽二十七葬安陵

李齊賢贊曰定宗以人君之尊徒步奉佛而一遭天譴喪心生疾所謂求福不回者亦嘗聞其說邪疾旣大漸延入令弟親投神器以杜覬覦是可嘉也已按定光二宗爲王子時必有稱號而史闕云

### 光宗宣烈王世家

王名昭字日華定宗母弟太祖八年受內禪卽位元年春正月建元光德是歲漢侍中郭威代漢是爲後周而漢祖弟崇稱帝於太原爲北漢三年遣侍郎徐逢如周四年周遣衛尉卿王演等來冊王爲檢校太保使持節玄菟州都督兼御史大夫五年春周主殂



晉王柴榮立六年遣侍郎荀質賀即位七年周遣將  
作監薛文遇來冊王太師令百官衣冠從華制大理  
評事雙冀從文遇來王表請留以冀為翰林學士九  
年用其言設科取士十年遣使如周進別序孝經一  
卷越王孝經新義八卷時周主英武憤中國日蹙自  
高平破北漢後慨然有削平海內之志南征屢敗唐  
兵唐主懼奉周正朔至是周主殂十一年春正月周  
遣點檢趙匡胤帥師禦漢至陳橋驛軍士宣言冊點  
檢為天子擁匡胤還汴受周禪國號宋十三年冬遣  
廣評侍郎李興祐如宋十四年冬十二月宋冊命使

時贊來自是行宋年號十六年二月立子祐為王太  
子內史諸軍事十九年戊辰為開寶元年二十三年  
遣侍郎徐熙如宋帝賜王推誠順化功臣號授熙檢  
校兵部尚書二十六年夏五月王薨壽五十一王即  
政之初禮遇羣臣明於聽斷讀貞觀政要恤貧約重  
儒雅其治有足觀者迨其中歲信讒好殺酷信佛法  
侈汰無節謚曰大成葬憲陵

李齊賢贊曰光宗用雙冀設科取士有以見光廟之  
雅惟其倡以華藻之文後世不勝其弊云

景宗成穆王世家



王名佃字長民光宗長子也母曰太穆王后皇甫氏  
光宗六年乙卯生十一歲立為太子光宗薨嗣位下制還流  
竄拔淹滯蠲欠債減租調毀假獄焚讒書中外大悅  
元年丙子為開寶九年十月以後平興國帝遣左司禦子  
延超司農丞徐昭文冊王太傅冬十月帝崩帝仁孝  
有大略荆湖南漢蜀唐次第削平而太原吳越皆納  
款禮樂文物復漢唐之舊在位十七年改元者三日  
建隆乾德開寶至是有疾召晉王光義入侍帝遂崩  
光義立改元太平興國王遣使賀即位始定田柴科  
遣子弟如宋入學三年夏四月樂浪王金傳卒四年

帝遣閤門祇候王僕冊王侍中六年夏六月王薨遺  
詔曰正胤開寧君國之親賢必能奉訓保國家咨爾  
公卿敬保我介弟永綏我大邦寡人每覽禮經至男  
子不死婦人之手未嘗不臨文歎仰左右嬪御其令  
屏去王溫惠不好戲晚更以耽樂為事疎遠莊士由  
是政教衰壽二十六葬榮陵

李齊賢贊曰孟子曰仁政必自經界始太祖繼新羅  
衰亂泰封奢暴之後萬事草創日不暇給止為口分  
之法歷四世景宗作田柴之科雖有疎略亦古者世  
祿之意至於九一而助什一而賦則不暇論也後世



屢欲理之終於苟而已惜乎當時羣臣未有以孟子之言講求法制啓迪而力行之也

木齋家塾彙纂麗史卷之一

木齋家塾彙纂麗史卷之二

世家二

成宗章憲王世家

王名治字溫古父曰旭太祖第六子也母柳氏光宗  
年庚申景宗元年以黃州院郎君加元服號院爲明福  
宮六年封開寧君爲正胤景宗薨卽位追謚先考爲  
戴宗柳氏爲宣義太后元年壬午爲太平興國七年  
春三月定官制詔令五品以上上封事遣侍郎金昱  
如宋秋九月契丹主死子隆緒立母蕭氏專國事二  
年春正月辛未祀天于圜丘乙亥耕籍田以崔承老



爲平章事二月置十二牧三月帝遣光祿卿李巨原  
將作監孔維冊授王太保使持節玄菟州都督王受  
冊赦博士任老成至自宋獻太廟社稷文宣廟圖定  
三省六曹七寺秋七月明福宮夫人皇甫氏卒戴宗  
母也上謚曰神靜太后三年春三月雩四年帝遣王  
著呂文仲授王太傅尋遣監察御史韓國華諭王起  
兵會伐契丹初藝祖欲厚賂契丹使北竄不聽便擊  
之未果遂崩帝旣立斥其蓄曰多貯安用以景宗四  
年春伐北漢破降之欲棄勝取幽薊諸將以師罷不  
欲行崔翰曰所當棄者勢也帝意決東遂發太原降

易州涿州六月進次幽州城南分兵四面攻城耶律  
學古時守燕悉力禦之不能支遼主遣耶律休哥救  
之與斜軫分左右翼以進帝大敗引師南還休哥追  
至涿州帝急乘驢車走免翼年冬遼主自將侵宋帝  
自將禦之戰休哥於莫州敗績會遼主引去帝欲遂  
取幽州李昉張齊賢皆以爲不可至是詒諭王曰朕  
誕膺丕構奄宅萬邦華夏蠻貊罔不率從蠢茲北虜  
侵敗王略幽薊之地中州土疆晉漢多故戎醜盜據  
今國家照臨所及書軌大同豈使齊民陷諸獷俗今  
已董齊師旅分道間出卽期誅翦以慶混同惟王久



慕華風效忠順之節可申戒師徒迭相犄角同力盪  
平戡此垂亾之虜王其圖之王受詔猶豫不敢出決  
語國華諭以威德王始許之先是女真貢馬于宋誣  
高麗與契丹通韓遂齡之如宋也帝出女真木契以  
示王聞之懼遂謂國華曰女真貪而多詐之虜也曾  
被遼人搶掠跳竄小邦悉加資贍衛送反潛師奄至  
殺害邊民以其世事中朝不敢報怨豈期反相誣告  
以惑天聰契丹介居遼海之外復有二河之阻行李  
不通迄逾百年而小邦世稟正朔浚荷寵靈敢有二  
心交通外國乎女真受小邦官者在乞召至闕下令

與貢使對辨區區衷懇達於天聰小邦之願也國華  
曰諾遂還五年春帝遣曹彬米信田重進潘美楊業  
等伐契丹諸將所至克捷兵勢大振曹彬入涿州耶  
律休哥不肯出戰夜令輕騎掠其單弱晝則以精銳  
張其勢設伏林莽以絕宋糧道彬食盡退師雄州休  
哥以輕兵薄宋師彬結方陣塹地而行與米信會會  
契丹主太后將兵應援賜休哥杓窰印以督戰宋師  
敗績于岐溝夜渡拒馬河溺死不可勝計彬信南趨  
易州休哥引兵遽至宋師瀕沙河而變聞之驚潰死  
者過半沙河爲之不流而潘美爲耶律斜軫所敗楊



業死之雲應朔州復陷契丹主乘勝長驅而南遂陷  
涇州德三州殺官吏俘獲而去張齊賢敗遼兵于土  
鏝堡是時宋師輕舉深入屢致敗衄河北騷然宋家  
兵力遂弱矣帝乃下詔自悔釋敗績將士之罪而高  
麗竟不敢發兵西會契丹遣使請和改詔曰教六年  
教十二牧各遣經學博士一員七年左補闕李陽上  
疏請王后親蠶遂行之冬十月帝遣禮部侍郎呂端  
左諫議呂祐之冊授王太尉是年正月帝親耕籍田  
推恩百官乃遣使冊王  
八年教褒大學助教宋承演羅州博士全輔仁擢用  
之夏四月營大廟五月侍中清河侯崔承老卒秋禁

見赦宋亦尹繼倫大敗耶律休哥于徐河九年夏帝  
遣柴成務冊王推誠順化功臣旌孝子孫順輿車達  
兄弟朴光廉趙英咸氏鄭氏崔氏閭人賜穀百石銀  
盃二事彩段六十疋無職者官之有職超十等授光  
祿大夫冬十月幸西都問高年賜所經邑稻九千餘  
石十二月封姪誦為開寧君置書院於西京十年遣  
安慰使諸道立社稷冬十月幸西都父老有獻牛酒  
者受其酒還其牛遂鴨江西女真於白頭山外居之  
帝賜大藏經遣翰林學士白思柔謝賜經及御製十  
一年帝遣劉式陳靖冊王太師冬十二月令州縣廣



營學舍給田庄太廟成十二年春教曰殷以十二君  
為六代唐以十帝為九室兄弟一行禮文斯在宜奉  
惠定光主通為一廟秋八月女真報契丹來不信報  
再至以朴良柔為上軍使徐熙為中軍使崔亮為下  
軍使軍于北界王欲自禦之幸西京進次安北府契  
丹蕭遜寧已破蓬山郡王乃還遜寧聲言大朝統一  
四海奄有句麗舊地爾國侵犯疆界迄未歸附亟行  
納款毋涉淹留移書云八十萬兵至矣熙得書還奏  
有可和狀王遣監察李蒙戩如丹營請和蒙戩詰兵  
由遜寧曰汝國不恤民事是用恭行天罰欲和則宜

速降王會羣臣議或言今重臣率士降或言割西京  
以北與之便王將割地徐熙奏曰光宗逐生女真置  
嘉松二州今契丹之來其志欲取此爾聲言取句麗  
舊地者實恐我也三角山以北亦句麗地彼欲得之  
可盡與乎况割地與敵萬世之恥願駕還都城臣等  
一戰然後議之未晚也御史李知白曰聖祖創業垂  
統洎于今日無一忠臣遽欲以土地與敵國乎請以  
重寶賂遜寧以觀其意可也與其割棄先王之土以  
偷安目前曷若復行先王八關燃燈不為他方異法  
以保國家致太平乎王然可時王樂慕華風國人不



喜故知白及之王遣徐熙如丹營熙辭氣嚴重辨裁  
明暢遜寧心異之以聞于丹主許輸平遂罷兵十三  
年契丹置五城於鴨江西令高麗於江東聯壘以通  
貢路夏四月禘于太廟躋戴宗五月遣朴良柔如契  
丹而遣元郁如宋乞師以報前年之役帝以北鄙南  
寧而李順陷成都趙保吉寇靈州中國多事故不許  
出師優禮遣還遂與宋絕進妓樂于契丹却之十四  
年定十道置十二軍十五年契丹遣人冊授王尚書  
令夏鑄鐵錢十六年帝崩在位二十二年改元者五  
曰太平興國曰雍熙端拱淳化至道薛居正沈倫趙

普宋琪李昉呂蒙正張齊賢呂端等相繼為相帝好文  
守成有帝王之略然致一弟二姪俱不得其死後  
世不能無憾焉太子元侃即位更名恒是為真宗皇  
帝王幸東京不豫九月還疾大漸召開寧君誦傳位  
平章事王融請赦王曰死生在天何至釋有罪枉求  
延命乎薨壽三十八葬康陵

李齊賢贊曰成宗立宗廟定社稷贍學田以養士賚  
孝節以美俗未老而樹繼嗣為國家之慮長矣臨絕  
而惜肆赦達死生之理明矣所謂有志而可與有為  
者非邪烏乎賢哉



穆宗宣讓玉世家

王名誦字孝伸景宗長子也

景宗五年庚辰生

母曰皇甫氏

戴宗女景宗納從姊生誦景宗薨誦方一歲故不得立成宗無嗣育于宮中年十二封開寧君至是受內禪卽位尊皇甫氏爲王太后居千秋殿攝政世號千秋太后元年戊戌爲咸平元年太保內史令徐熙率二年契丹來冊王遣吏部侍郎朱仁紹如宋仁紹謁帝陳契丹逼制狀帝賜詔還冬契丹主侵宋四年王幸中原府五年趙保吉陷宋靈州六年千秋后逼大良君詢高僧有金致陽者后之外族也許祝髮出入

千秋宮與后通成宗杖而流之王旣立召授閣門舍人驟遷至右僕射致陽秉政而后居中用事列植親黨權煮一國臺榭園池窮極瓌麗致陽處其中日夜遊戲中外恥駭於宮城北隅立十王寺其圖像奇怪難狀致陽潛懷異志以求陰助銘其鐘曰當生東國之時同修善種後往西方之日共證菩提王欲黜之恐傷母志不敢也王無嗣后私致陽而有子圖爲王後時太祖諸孫皆亡獨詢在右忌之逼詢出家居之三角山中七年冬契丹主奉蕭后南侵次于澶淵宋師多敗中外震駭羣臣請帝幸西南平章事寇準勸



帝親征十二月帝至澶州南城望見契丹軍盛衆皆懼準力請渡河張御蓋於北樓三軍踴躍聲聞數十里契丹氣奪準欲擊之帝議和許歲幣三十萬南朝爲兄北朝爲弟各解兵而歸八年東女真寇登州九年慧見十年契丹冊王推誠奉聖功臣瑞山湧於耽羅宋王欽若得天書于奉山十二年王有疾不聽政西北面巡檢使康兆舉兵叛廢王而弒之流太后于黃州迎大良君卽位初太府油廩災延燒千秋殿王驚懼成疾久不視朝參知政事劉璿中樞院使崔沆給事中蔡忠順等直銀臺李周禎劉忠正庾行簡卓

思政河拱辰等直宿於內侍郎崔士威守大定門宮城戒嚴宰臣請入問疾不許千秋后與金致陽度王疾不起爲謀益急后遣人毒詢詢穴地而免致陽布腹心於忠正使爲內應忠正曉譬拒之上書告其謀而詢亦密書白狀王召忠順入卧內辟左右語曰聞外間有覬覦者卿頗聞乎忠順唯唯王取枕中書二封示之乃忠正及詢狀也忠順奏曰事急矣宜早圖之王曰朕疾轉危毒卿與崔沆素懷忠義宜盡心匡扶使社稷不屬異姓忠順出以語沆沆舉手曰上意如此社稷之福也忠正遣人謂忠順沆曰姦黨伺隙



宗社綴旒脫有不諱宜以太祖孫爲嗣忠順陽驚曰  
太祖孫安在曰大良君是也忠順曰惟命忠順沈詣  
忠正定議密奏王遣宣徽判官皇甫俞義迎詢于神  
宥寺王曰予將親授大寶亟取詢來疾若瘳倣成廟  
封朕故事遂命忠順草與大良君書王力疾研墨忠  
順曰臣自研而書王曰意忙不覺勞也書成授俞義  
往李周禎庾行簡致陽黨也王慮事泄戒忠順勿令  
行簡知黜周禎權授西北面副巡檢當日發遣而急  
徵康兆入衛兆承命至龍川驛內史魏從正掌書記  
崔昌會坐事黜濼怨朝廷常欲構亂至是俱謁兆給

言上疾已無可爲太后謀危社稷以公握重兵在外  
矯召公公宜亟還本道舉義旅匡定王室時不可失  
兆然之歸營會中外傳王已薨太后忌兆來遣人守  
岳嶺道不通兆父患之爲書密報王薨兆得書遂與  
副使李鉉雲等領鎧騎五千至平州聞王在兆莫知  
所爲諸將曰業已來勢不容止兆遂決意廢立別遣  
監察金應仁往迎大良君是日俞義及應仁俱到神  
宥寺兆請王出御歸法寺請誅行簡等王曰已諭鉉  
雲領兵入迎秋門大譟王驚懼執行簡送于兆卓思  
政河拱辰皆奔于兆兆至大初門據胡林崔沆出自



省中兆起揖沉曰於古有此不兆不應王與太后號  
泣出宣仁門蔡忠順劉忠正皆步從兆坐乾德殿軍  
士呼萬歲兆驚起曰嗣王未至是何聲也俄而俞義  
等奉大良君至遂卽位兆廢王爲讓國公斬致陽父  
子及行簡流周禎等于海島王使沉覓騎於兆送一  
馬太后乘之王執鞚而行典御袍換食而進兆召還  
沉等王謂沉曰予之不德夫何怨但願歸老于鄉耳  
卿可善輔新君遂向忠州至積城縣兆遣尚藥金光  
甫進毒王不肯飲光甫謂中禁安霸曰兆言不能進  
毒可令禁軍行大事不爾吾與若族矣夜霸等弒之

以自刎聞壽三十踰月火葬縣南謚以宣靈廟號愍  
宗臣民痛憤而顯宗未之聞也至契丹問罪始知顯  
宗三年移葬城東義陵廟號穆宗  
李齊賢贊曰慶父犯禮於魯不韋嫁禍於秦齊桓尸  
妻始皇 毒何救萬世之恥哉穆宗不戒覆轍防閑  
於初子母俱罹其殃社稷幾至於亾烏乎宣讓之不  
幸也抑非不幸也

### 顯宗元文王世家

王名詢字安世父郁太祖第七子母皇甫氏戴宗女  
景宗后也

成宗十一年壬辰生

景宗薨后出居王輪寺南第后



夢登鵠嶺旋溢國都鎔為銀海諭之日者云有男而有國之象也后笑曰未亾人安得有子時郁第與后居近郁遂與后通有娠彌月人莫敢言后宵詣郁第侍婢取積燼火其宮欲因而發后陰事成宗驚果往遂告以實后慚啼亟還纜及門胎動攀柳枝產詢而卒成宗流郁於泗水縣擇姆鞠詢郁工文辭精於地理竟卒於泗水穆宗封詢為大良院君太祖諸孫皆天獨大良君在千秋后忌之逼令祝髮居之三角山神穴寺時號為神穴小君寺有僧奇詢狀貌穴地於室藏詢其中上置卧榻以防不測千秋后遣人毒餅

遺詢必求面小君飯僧給曰小君遊賞不知處既去取餅飯烏烏斃及俞義等至僧疑為致陽黨不肯告詢處俞義具道所以迎立意遂奉以還二月己丑卽位於延寵殿追謚考為安宗皇甫氏獻貞王后元年庚戌為大中祥符三年契丹主聞康兆廢穆宗弒將舉兵討之遣給事中梁炳大將軍耶律允來問前王之故使具官嘉其罪之辭也遣平章事陳頤如契丹初河拱辰柳宗嘗擊東女真敗恨之至是女真又來朝宗殺之知州館女真訴于契丹丹主愈益怒王以參知政事康兆為行營都統使右僕射安紹光為都兵馬使



崔賢敏為左軍使李昉為右軍使朴忠淑為中軍使  
崔士威為統軍使李鉉雲張延祐盧通等副之領兵  
三十萬軍于通州十一月契丹主將步騎四十萬號  
義軍渡鴨江圍興化鎮楊規李守和等固守不可下  
丹主解其圍屯二十萬于麟州南以二十萬進至通  
州軍于銅山下康兆引兵出通州城南分軍為三忽  
見穆宗立其後叱曰奴休矣天伐可逃邪兆脫胄跪  
稱死罪言未訖丹兵至縛兆羶裹而去鉉雲亦被擒  
丹兵乘勝追奔數十里斬首三萬級於是長驅而進  
左奇軍金訓等伏兵于緩項嶺當安嶺在定州西十  
五里即緩項緩項嶺

在博川境龜城直路執短兵突出敗之丹兵陷郭州肅州進攻  
西京王聞西京急命智蔡文將兵援之未至契丹遣  
降者諭西京畱守元宗奭等已修降表蔡文急引兵  
入西京誅降者焚表文丹兵至蔡文輒敗之會卓思  
政夜遁大道秀降于丹兵城中潰亂推統軍錄事趙  
元為主收潰卒閉壘固守蔡文奔還報西京敗狀羣  
臣議降姜郁贊勸王南幸壬申王宵至積城縣衛士  
纔五十人丹兵攻西京不拔解圍而東二年春正月  
乙亥入京城焚燒宮廟屋廬皆盡王至昌化縣縣吏  
構亂犯行宮使人呼曰河拱辰將兵來矣蔡文射却



之遲昕蔡文往跡盜道遇拱辰詰之果非拱辰所爲也遂遣拱辰高英起往丹營奉表請和王次廣州失二后所之蔡文尋之饒吞驛得以玄德后有娠遣歸后鄉善州王次公州節度使金殷傳備禮郊迎獻衣帶土物至巴山御厨闕膳殷傳又進膳羞至參禮驛節度使趙容謙野服迎駕謀欲止王挾以號令與李載崔楫柳僧虔等插白幟鼓譟而進蔡文閉門堅守賊不能犯明日召容謙至將殺之宥還全州拱辰至丹營丹主問曰國王安在曰適江南曰江南幾里曰萬餘里矣追兵乃還丁亥王入羅州夜候吏誤報丹

兵至王大驚將出走已而訶之乃拱辰報虜退狀也癸卯契丹渡鴨綠江引去王還次公州納后金氏殷傳女也丁卯入京都將修睦于契丹筮得乾之蠱遂遣郎中王瞻如契丹謝班師竄趙容謙柳僧虔等論康兆黨流卓思政朴昇崔昌魏從政康隱于海島耽羅乞依州郡例賜朱記許之三年春女真三十姓子弟來貢馬東女真寇清河姜民瞻擊走之契丹主詔王親朝遣刑部侍郎田拱之告王疾不能來丹主怒詔取興化通州龍鐵郭龜六州日本人來契丹改統和爲開泰女真引丹主兵將渡江金承渭却之契丹



來索六城修國史五年春彗見于五車鐵利國貢馬  
陳頤李禮均河拱辰皆被拘拱辰見殺遙授頤平章  
事秋八月遣內史舍人尹徵古如宋乞歸附帝詔館  
于登州冬契丹遣詳穩蕭敵烈來侵通州鄭神勇周  
演等擊敗之斬七百餘級溺江死者甚衆十一月上  
將軍金訓崔質等作亂流張延祐皇甫俞義自庚戌  
用兵以來軍額增百官俸祿不給俞義與中樞張延  
祐建議奪禁軍永業田以充俸由是衛士咨訕會將  
軍崔質以軍功累拜上將軍以不得文階爲憤懣遂  
與金訓朴成李翔石邦賢等謀以奪田激衆怒

率諸衛士作亂入禁中縛俞義捶扶垂斃詣閣請罪  
俞義王懼而從之除延祐俞義名遠配於是武臣用  
事悍豎獷卒並帶文階而列於臺閣朝綱大紊中外  
痛憤時王可道自和州秩滿還潛懷匡正謂日直金  
猛曰王何不效漢高雲夢之遊乎猛喻其意密白王  
納之以可道嘗爲西京掌書記得衆心卽授西京畱  
守判官令趣往設備明年王幸西京宴羣臣於長樂  
宮伏甲乘訓等醉擒而誅之夷其黨召還俞義等契  
丹造橋於鴨綠江夾橋東西結壘遣將攻之不克丹  
兵圍興化鎮擊却之侵通州龍州遣耶律行平來索



六城執之契丹攻通州將軍鄭神勇出擊死之進攻  
寧州敗退高積餘追擊而死虜判官王佐而去七年  
耶律世良侵郭州我士死者數萬人契丹使到鴨江  
不納而遣民官侍郎郭元如宋乞援會女真亦訴契  
丹帝以契丹既受盟難於答辭學士錢惟演草詔曰  
念卿本道固深軫於懷思睽乃隣封亦久從於盟好  
所期輯睦用泰黎烝帝覽之喜曰如此則雖契丹見  
之不妨仍勅元遊開寶寺令館伴張師德與元登塔  
密諭曰彼儲胥傑構皆軍營也皇帝神武中國一統  
寰海日以操練爲事以備北方天子尚如此况貴國

與之連壤結好息民是良圖也是歲復行大中祥符  
年號八年遣刑部侍郎徐訥如宋九年定安國來貢  
以姜邯贊爲西北面行營都統使冬十二月契丹蕭  
遜寧領十萬衆入寇以邯贊爲元帥姜民瞻副之帥  
師二十萬八千屯寧州進至興化伏萬騎谷傍大敗  
之遜寧引兵趣京都民瞻追敗之慈山趙元又敗之  
馬灘十年春正月遜寧到新恩距京城百里王命撤  
城外清野以竅遜寧賫書報回兵潛遣候騎至金郊  
驛夜遣兵掩殺之遜寧退師二月己丑邯贊邊戰於  
龜州東郊大敗之丹師北追至八嶺川僵尸蔽野獲



甲馳兵仗不可勝計論者謂用兵以來此爲武功第一  
邯贊爲侍郎平章事秋八月遣禮賓卿崔元信如  
宋賀正十一年春遣李作仁奉表如契丹請稱藩納  
貢歸耶律行平契丹使韓紹雍來金猛如宋冊子欽  
封延慶君十二年鐵利國表請歸附十三年庚戌春  
二月帝崩帝寬仁慈愛有帝王之量然好奉道教東  
封西祀以神道設教向敏中畢士安王旦皆賢相改  
元者五曰咸平景德曰大中祥符曰天禧乾興太子  
立是爲仁宗皇帝契丹遣蕭懷禮冊王尚書令韓祥  
還自宋帝賜聖惠方乾興曆冊延慶君爲王太子十

四年契丹冊太子國公十五年夏五月丁亥朔太史  
奏日食不應時旱甚民有聚而顛呼者王晨起聞其  
聲齋沐焚香露立祝天曰寡躬有罪天降之罰萬民  
有過寡人亦當之遂大雨秋大食國人來十六年女  
真阿骨朮老來朝十八年松嶽崩十九年王后金氏  
薨謚元成二十年千秋后皇甫氏卒命異膺甫皇甫  
俞義黃周亮王可道等築開京羅城可道令人持傘  
環立自登高爲進退之均其闊狹以定城基契丹東  
京將軍大延琳渤海始祖祚榮之七代孫也叛契丹  
建國曰興遼引女真攻契丹屢遣使齎表乞濟師王



不許郭元請取鴨江東城不克發疽卒至是契丹破  
興遼東京復王遣使賀女真獻戈船楛矢二十二年  
夏五月辛未王薨于重光殿壽四十一王幼聰悟仁惠  
長敏學工詞翰凡耳目所經不復遺忘葬宣陵  
崔冲贊曰千秋淫荒潛圖傾奪穆宗知民心之歸大  
良遠馳使命授以神器俾固本支傳稱天將興之誰  
能廢之者詎不信歟李齊賢曰崔冲之言世所謂命  
也人君恃有天命縱欲敗度雖得之必失之是故君  
子理思亂安思危慎終如始以對天休如顯宗所謂  
吾無間然者乎

德宗敬康王世家

王名欽字元良顯宗長子也母曰元成后金氏顯宗七年  
丙辰七歲立為太子明年契丹封高麗國公顯宗薨  
王居翼室朝夕哀臨契丹主殂遣柳喬金行恭如契  
丹王可道奏契丹雖通好然并吞之志未已也今駙  
馬匹梯叛據東京宜乘此時請毀鴨綠橋歸我行人  
不聽而絕之我則有辭乃附表請之契丹不從王命  
羣臣議皇甫俞義等以為不如繼好息民徐訥等曰  
彼既有違言絕之使王遂停賀正使元年壬申為明  
道元年契丹使來不納二年命平章事柳韶置北境



關防起自鴨綠入海處東跨威遠興化靜寧雲孟朔  
等州抵靜邊和州興未延袤千餘里是役也契丹來  
爭校尉邊巨奮身先登却之以功授中郎將詔請取  
丹城訥俞義及黃周亮崔齊顏崔冲等皆曰不可王  
可道固請出軍王命卜於太廟師不果出三年秋九  
月王薨於延英殿壽十九王生而岐嶷既長踏墉墉  
輒破人謂德重而然葬肅陵

李齊賢贊曰世傳德宗朝鳳儀於威鳳門羣鳥噪之  
鳳乃去國人憎烏少長持弓彈射德宗一代京城無  
烏夫鳳羽族之長也烏鳥所嚇豈曰鳳方蓋有異鳥

來萃耳德宗居喪盡孝為政不改父之道任用舊臣  
朝廷清明百姓樂業雖微鳳鳥尊號曰德不亦宜乎

### 靖宗康獻王世家

王名亨字申照德宗母弟也

顯宗九年  
戊午生

五歲封平壤

君至是受顧命即位元年乙亥為景祐二年夏契丹  
來遠城使牒興化鎮曰貴邦臣事上國積有年紀昨  
因伐罪之年致阻來庭之禮兇醜既翦合輸舊好而  
累石結寨遮礙大路未聞劔閣之中別有金牛之徑  
乎當郡最近仁封故敢私布之寧德鎮回牒云竊念  
當國於延琳構亂之初道途艱阻行李寢稀東京既



復專价稱慶先皇帝之昇遐也左丞柳喬實赴會葬  
今皇帝之繼統也給事中金行恭乘傳往賀然則平  
遼以來冠蓋相望于路豈可謂致阻來庭之禮乎設  
險自守有國之常非所以致大邦之疑而勤執事之  
問者也昨緣使价六輩被拘館人宣定兩鎮見攘邊  
吏屢行陳請行垂俞許而微虔莫孚以迄于今倘蒙  
大邦放我行人歸我侵地則不腆土宜其敢後於諸  
國冬十二月祔德宗於大廟黃周亮請祧惠定光主  
藏于祖廟西壁劉弼言三宗親未盡不必遷周亮  
堅執前議徐訥曰魯以諸侯昭穆之外別有世室三

宗不可遷遂從之三年春二月彗星五出獲女真之  
通契丹者罪之秋來遠鎮奉丹主旨牒告曰高麗欲  
修貢貢合先上表苟驗至誠別頒俞命王命侍中徐  
訥等十四人議皆請遣使修和於是遣殿中監崔延  
嘏奉表如契丹回詔云先國公方屬嗣藩遂稽任土  
近覽奏章備形誠懇予切嘉歎勉思求圖五年遣使  
先如契丹請罷鴨江東築壘不許契丹來冊王六年  
春正月朔日有食之時為康定元年富弼請罷宴執  
政不可既而聞契丹撤樂仁宗悔之冊王后韓氏七  
年禁出東方長三十尺八年契丹使王永言來初趙



保吉之孫元昊據有夏銀瓜肅之地阻賀蘭山爲固  
僭號夏皇帝入寇宋遣韓琦范仲淹禦之宋師多敗  
西鄙騷然契丹幸宋有西夏之撓遣使求世宗所  
取關南地宋以富弼報聘弼見丹主曰兩朝人主父  
子繼好垂四十年一朝求割地何也丹主曰南朝違  
約塞鴈門增塘水治城隍將何以爲羣臣請舉兵而  
南吾謂不若遣使求地求而不獲舉兵未晚弼曰北  
朝忘章聖之大德乎澶淵之役苟從諸將言北兵無  
得脫者晉末帝昏亂故契丹專師獨克然士馬物故  
太半今中國法令修明精兵百萬北朝用兵能保其

必勝乎通好則歲幣盡歸人主若用兵則利歸臣下  
而人主任其禍故勸用兵者皆爲身謀也丹主首肯  
弼曰塞鴈門備元昊增塘築堡皆修舊非違約也丹  
主曰得地則歡好可久弼曰北朝旣以得地爲榮則  
南朝必以失地爲辱兄弟之間豈可使一榮一辱契  
丹主感悟乃議增歲幣定和議而還至是契丹遣使  
言來詔曰關南舊地將舉兵收復宋朝累馳專使請  
於舊貢三十萬外別納金繒之儀用代賦與之物盟  
好再成生靈獲福夫何眇躬成此美事文武百辟謂  
予有元功加以懿號勉依羣請故使卿知九年契丹



授王太保作浮梁於臨津城長定二州女真來賀十二年夏五月王有疾召弟樂浪君徽詔令權總國事是日薨壽三十三王有弘識果斷不拘小節葬周陵李齊賢贊曰契丹貪暴不足保信太祖濩以爲戒然而幸其一災而棄舊好亦非計也靖宗嗣位三年復尋權盟繼好息民君子以爲善繼述以保其國

文宗章聖王世家

王名徽字燭幽舊名緒顯宗第三子也母曰元惠后金氏顯宗十年己未生四歲封樂浪君靖宗時冊內史令至是卽位崇節儉審刑獄視朝於乾德殿御宣政殿召

崔齊顏崔冲論時政得失頻御文德殿籌軍務中外翕然望治元年丁亥爲慶曆七年春旱王避殿輟朝宋亦大旱策免賈昌朝夏令崔冲校律書契丹來冊王六年命儒臣撰十精七曜遁甲太一曆法七年王幸西京八年冊子勳爲王太子秋契丹設弓口門于抱州城東九年契丹冊王太師致書於東京畱守請毀弓口門秋九月契丹主殂十年爲嘉祐元年春正月隕石于黃州聲如雷遣諸道撫問使初王欲遣使接驗長吏勤慢問百姓疾苦所司乃以程驛凋瘵勞於迎送白停之王曰朕惟前代頻遣使臣咨訪民瘼故字救之



官多砥礪廉操近來紀綱大弛懲勸不明諸道守宰  
罔恤民事但務聚斂賂遺權要民有梓漆魚鹽之家  
橫被哀索或不如意便託事中傷句剝苛毒甚覺蘊  
恨無所告籲間有守正不撓者然怵於權貴要囑竟  
莫能行哀我小民安得以聊生乎朕夙夜孜孜志切  
救民而當軸羣公漠然不加之意每論說有許紛紛  
予不取焉遂以侍御史李攸績爲山東南忠慶尚州  
三道使兼雜端金若珍崔尚爲山南晉羅全清廣公  
洪州七道使監察御史安民甫爲關西北關內三道  
使閔昌壽爲關內東道使十一年契丹冊王尚書令

太子爲平章事三韓國公自天禧中與宋絕至是幾  
五十年當是時也天子聖明勵精圖治中國太平無  
事英賢碩輔應期而生如韓琦富弼范仲淹文彥博  
皆德業偉然名聞四夷儒學漸盛績孔孟不絕之緒  
直諫文章之士彬彬迭出其人物治平之盛蓋自三  
代以來未之有也契丹主求御容于宋胡宿奉帝繪  
像往契丹羣臣瞻拜驚異王好學崇道益嚮往中國  
不衰然畏契丹終莫敢通恒爲悒然先是宋進士張  
廷來王喜授祕書郎十二年王欲於耽羅靈巖伐材  
造舟遣使通宋門下省上言國家結好北朝以來邊



鄙不聳民狎其野以此保邦良圖也庚戌歲契丹書  
云東媾女真西往來宋朝將欲何為柳參奉使之日  
東京守臣問南朝通使事頗懷猜訝若世此事所關  
利害不細耽羅地瘠民貧倚木道經紀生業往年秋  
伐材過海以供興王之役罷勸已極今若重困政恐  
別生變故況我朝文明天啓禮儀日盛不必資於中  
國倘未絕北不宜更事南王終不得遣使如宋十七  
年宋帝崩是時受遼冊命故稱宋帝在位四十二年改元者九天  
聖明道景祐寶元康定慶曆皇祐至和嘉祐恭儉之  
德愛人恤物之心自卽位至昇遐終始如一遺制下

雖深山窮谷莫不奔走悲號而不能止皇子曙立是  
為英宗在位四年而崩太子頊立是為神宗皇帝契  
丹改號大遼二十一年春王幸興王寺初王卽位荆  
大雲太安寺勞役甚鉅御史臺門下請俟農隙從之  
歲丙申荆興王於德水縣崔惟善諫曰唐太宗不許  
荆立寺觀以述高祖之志史傳美之按太祖訓要不  
許於國師占設外安行營創以損地力今殿下承積  
累膺太平能節用愛民則持盈守成功德無量何乃  
罄財竭力以供不悉而感邦本乎王優容之然終不  
能罷至是十二歲而役竣凡二千八百餘間王命設



燃燈五晝夜以落之自闕門至梵宮結彩棚鱗次相  
屬路左右作燈山火樹亘三十里光照如晝日本耽  
羅南楚人皆來會是日王備鹵簿率百官行香施納  
財襯佛事之盛曠古未有二十二年中書令崔冲卒  
宋黃慎來是時天子新卽位慨然有意綏輯海內外  
於是召江淮兩浙制置使羅極曰高麗古稱君子之  
國自祖宗朝世輸忠款暨厥後阻不庭今聞麗王賢  
王也可遣人諭朕意極乃奏遣慎來具道天子眷慕  
之意王悅館待甚謹明年慎又來其還也移牒福建  
請備禮入朝許之二十五年春三月遣民官侍郎金

悌奉表如宋二十七年東女真歸順州都領大常十  
族等率衆內附乞爲郡縣各賜十都領姓名西女真  
曼豆弗等請依東藩例作屬藩不敢與契丹蕃人交  
通亦許之平虜鎮傷寨蕃帥骨於夫亦率戶口附籍  
而三山村蕃賊並海樹寨殺掠他蕃往來者不肯降  
於是骨於夫等請討之東蕃黑水三十種皆響應遣  
郎將文選著蕃服與蕃兵同發到三山賊築壘於川  
邊置老幼財畜其中率步騎五百逆戰蕃兵大呼惡  
擊賊衆大潰走保壘乘勝追擊縱火攻之皆燒死進  
至由戰村石城下賊閉城固守以城險竟不得拔引



還而三山尋請內附東蕃古河舍霜昆等亦願爲州  
縣東路兵馬使奏此屬所處遼遠在古未嘗朝覲今  
始歸服若定封疆設關防則餘波漢嶺外壤地無際  
海邊長城七百里蕃戶聯絡不可窮塞請待嶺外諸  
蕃盡入版圖然後設險備之制可令翰林院撰定東  
蕃內附州名爲濱利福恒舒濕閩戴敬付宛十一州  
各賜朱記隸歸順州二十八年夏四月旱甲戌大雨  
宋詔罷新法辛酉兩王安石有罪免時遼使蕭禧于  
宋議疆事帝詔舊臣條代北事宜以聞韓琦曰所以  
致疑造釁者其事有七招高麗朝貢居其一卽指黃

慎事也二十九年禧復往安石割地七百里與之遂  
爲異日兵端云王遣使于遼請罷鴨江船橋表辭得  
體遼主爲寢其事三十二年夏六月帝遣諫議大夫  
安燾起居舍人陳睦來初自呂侍郎奉使還與宋或  
絕或通而皇華不至者迄九十年至是燾等至舉國  
攢抃王感悅贖遺貨玩無筭舟不勝載二公性嗇減  
供億折銀東人惜之王表請醫藥明年帝遣翰林醫  
官邢慥賜名藥一百品遣柳洪朴寅亮謝之三十六  
年王南巡三十七年秋七月王薨于重光殿壽六十  
五王聰明好學志略宏遠有寬容之量葬景陵



李齊賢贊曰文宗躬勤節儉進用賢才愛民恤刑崇學敬老省冗官節費用家給人足時號太平東倭浮海而獻瑗北貊扣關而受塵可謂盛矣獨其興王之役勞民耗財峻宗崇墉殆將比擬蕭梁欲成人之美者不能無憾於斯

### 順宗靖憲王世家

王名勳字義恭文宗長子母曰仁睿后李氏文宗元生八歲冊王太子文考薨嗣位王少有疾居廬哀毀疾益篤命母弟國原公運權摠國事是日薨于喪次壽三十七葬成陵

李齊賢贊曰順宗居文考之喪過毀成疾在位四閱月而殂逝其愛親之誠則至矣

### 宣宗顯順王世家

王名運字繼天文宗第二子也文宗三年生八歲封國原侯累進公順宗薨卽位遣李資仁如遼告喪遼主不許入境詰曰二君連逝必有其故資仁對甚辯遼主然之元年甲子爲元豐七年秋帝遣左諫議楊景略爲祭奠使右諫議錢勰爲弔慰使二年春正月帝崩帝勤儉銳意求治卽位初慨然有復燕之志先朝大臣如文富諸公皆老成持重帝益厭之王安石進



富國強兵之術一言契合委任安石置三司條例使  
建青苗助役方田均輸諸法以聚財病民羣賢起而  
爭之悉加貶斥元豐以來用事者終始皆姦黨帝與  
安石議欲先取靈夏滅西羌乃圖北伐及爲西夏所  
敗始知用兵之難邊鄙生事天下騷然卒無一事如  
意崩哲宗立宣仁高太后臨朝黜安石黨罷新法二  
十事召司馬光呂公著等用之契丹主聞之勅邊吏  
曰中國相司馬慎毋生事開邊隙人才之盛後世以  
慶曆元祐並稱焉時神宗計自密州報至遣崔思文  
林槩李資仁如宋釋煦叛入宋初王弟釋煦欲求法

於宋文宗不許至是貨宋商潛挾以去追不獲煦至  
宋帝引見於垂拱殿寵數渥潏令遊兵中諸寺王表  
請得煦帝詔東還煦獻經書及內典一千卷以積慶  
宮主嫁王弟遂金官侯丕下韓侯愔等諫止之不從  
四年幸西京五年遼議置權場於鴨江岸遣中樞使  
李顏託爲藏經赴龜州密備邊事表請於遼曰承天  
太后賜履割封天皇鶴柱之城西收彼岸日子鼈橋  
之水東割我疆統和十二年詔令發丁夫修築城砦  
柴遂仗天威獲保山河後來無事邊候寢間聖宗之  
詔墨未乾太后之慈言如昨設弓口而創亭允需頭



而毀舍矧及茲辰欲營新市似負先朝之遺旨弗矜  
小國之盡誠遼主回詔云諒惟細故詎假繁辭務從  
安帖以盡傾輸七年以高福令為耽羅星主遣李資  
義魏繼廷如宋帝聞高麗書籍多好本命資義使傳  
寫附來凡百二十三本皆秦漢諸家也也年幸西京  
王太后薨于西京十一年夏五月王薨于延英殿壽  
四十六王幼聰慧及長孝敬有弘識葬仁陵  
贊缺

獻宗恭殤王世家

王名昱宣宗元子也母曰思肅后李氏暄孫玩年十

一歲嗣位元年乙亥為紹聖二年春正月太史奏日  
暈旁有彗近臣亂諸侯欲有反者王冲齡有疾第檢  
醫方習書畫而已母后專國事初宣宗有五弟貴盛  
而王弟漢山侯亦幼李資義者漢山之舅也陰養死  
士密謀曰今上疾篤外郎有窺覷者爾輩以死奉漢  
山勿令神器歸于他人也至是聚兵禁中將謀事雞  
林公熙覺諭邵台輔曰國家安危繫宰相公其圖之  
台輔使上將軍王國髦領兵入衛伏甲斬資義夷其  
黨流平章事李子威等冬十月王遜位于叔父雞林  
公肅宗二年薨于興盛宮壽十四葬隱陵



李齊賢贊曰禹之傳子為慮後世植遺腹朝委裘而天下不動者分素定也顯之三子兄弟相傳以及於順順傳於宣宣薨而太子嗣是為獻宗國人習於見聞乃謂宣有五弟而立孺子以是歸非何不思之甚也惟不得周公於親博陸於臣委任而輔政其危且亂可翹足而待也後世有不幸遺大投艱于襁褓之中者可以此為誡哉

肅宗明孝王世家

王名熙避遼諱更名顯字天常文宗第三子也八年甲午王幼而孝敬及長沈毅果斷淹貫經史文宗愛

之嘗曰異日復興王室者其在爾乎十二歲封雞林侯累進為公宣宗時扈駕西京紫雲罩幕上望氣者以為當璧之符獻宗即位拜守太師二年為中書令十月己巳獻宗下制禪位王三讓庚午受冊于重光殿流元信宮主及漢山侯于慶源郡以邵台輔守太尉金上琦守司徒柳奭守司空遣郎中尹瓘持前王讓表如遼遼賀節使適至王代迎於乾德殿元年春二月前王請出居興盛宮宣宗潛邸也王從之夏四月王御宣政殿聽朝至日具中書省奏時當長養萬物三月以來時令舛違水結為冰降霜殺物夜雹暴



至洪範五行傳曰雩陰膏陽之象也京房易傳曰興  
兵妄誅茲為凶法厥灾降霜夏殺百穀屬者嗣君寢  
疾聽斷不明母后攝政酒惑失度致使兇孽乘機謀  
亂天討不淹而嚴於黨與誅戮既多而事不原情恐  
有無辜橫罹怨氣塞于天地者乞令御史臺尚書刑  
部辨析疑讞務從明允所告非實悉令反坐以答天  
戒則人情胥悅灾變為祥矣王納之秋九月右僕射  
朴寅亮卒二年遼遣耶律括賜前王勅閏二年前王  
薨冬十二月遼始遣使來冊王三年立太子府邵台  
輔為太子太師金上琦為太傅崔思諷為太保秋七

月遣尹瓘趙珪如宋告嗣位冬十月刑部奏獄空五  
年春正月冊子俱為王太子夏五月帝崩帝自宣仁  
崩親政惑於紹述之論召用章惇蔡確蔡卞等盡復  
熙豐之法治元祐人之罪無虛日司馬光以下追貶  
奪贈呂大防等三十餘人皆連貶竄羣小憾宣仁不  
已追欲誣廢帝僅能不許而已在位十五年改元者  
三元祐紹聖天符皇弟端王佶立是為徽宗哲宗崩  
於正月  
而自明州牒報五月書遣任懿白可臣王嘏具延寵如  
至依經例以五月書遣任懿白可臣王嘏具延寵如  
宋冬十月遼冊王太子三韓國公六年春遼主殂太  
孫燕國公延禧嗣位是為天祚夏四月從祀六十一



子二十一賢于文宣王廟使還帝賜太平御覽秋八月詔曰朕自宅位以來小心兢慄北交大遼南事皇宋又有女真倔強于東軍國之務安民爲要宜罷不悉之役以安斯民置營於靜州遼東京請撤之疆吏言曾在大安中請罷鴨江亭子遼主聽之今亦宜從其請制曰可九月置南京創宮於面嶽之南以魏繼廷爲中書侍郎七年夏四月東女真酋盈歌遣使來朝是時東蕃朝貢之酋部族甚衆不可勝記盈歌居黑水又號曰生女真本名朱里真肅慎之遺種渤海之別族也或曰本姓挈辰韓之後三國志所謂挹婁

唐所謂靺鞨其地也有七十二部落本不相統盈歌之先有金俊者新羅完顏氏羅季自平州入女真阿只古村女真妻之生古乙太師卽宋史所謂胡來者也古乙生活羅活羅生劾里鉢卽宋史所謂楊割太師盈歌其弟也楊割統諸部死盈歌爲太師最雄傑得衆心先是本國醫者入完顏部盈歌使治其族人疾曰爾能療此放爾還故國其人疾愈盈歌如約遣歸白于王曰女真居黑水者部族日強兵益精悍王乃始通使盈歌破蕭海里報捷王使人賀之盈歌遣其族弟斜葛報聘王遇之厚楊割長子曰烏雅東次



曰阿骨打阿骨打雄勇有大略是為金太祖八年夏

六月帝遣國信使侍郎劉達給事中兵拭來賜王衣

帶王遣禮部尚書金漢忠迎候宋使使遇颶風船敗

賴漢忠拯救得活宋朝選東使必極一時之望召

試而後遣之故使東者多名賢呂端為真宗朝賢相

安壽於紹興二年救常安民後與韓忠彥同貶劉達

於崇寧五年請九年春正月命平章事林幹伐東女

真初東蕃諸郡領自文廟以來悉請內屬為州縣及

盈歌烏雅東相繼為酋完顏部最強東蕃往往多附

黑水其勢漸橫先是女真來屯定州關外誘執蕃酋

羅弗等羅弗金史作治刺保囚廣州拷問果謀我也遂畱不遣

至是邊將李日肅等奏女真虛弱失今不圖後必為

患會烏雅東與別部夫乃老有隙遣公兄之助發兵

相攻騎兵來屯定州關外王御宣政殿授幹鈇鉞以

李瑋金德珍為副往征女真時內侍林彥主出兵之

議直史館李永曰兵凶戰危彥當無事時欲用兵生

釁不可也王不聽二月林幹引兵出定州城外與女

真戰大敗死者過半惟拓俊京介馬馳虜陣斬其將

賊少却賊以百騎追俊京又射殪賊帥於是女真乘

勝闌入定州宣德關殺掠無算遂罷林幹等以樞密

使尹瓘為行營兵馬都統使御重光殿授瓘鉞瓘與

女真戰斬三十餘級我軍死傷者過半瓘敗卑辭請



和而還王發憤告天地以圖再舉夏四月遼遣使冊  
王忠勤奉國功臣太尉中書令秋幸南京遼耶律淳  
遣使來聘十年秋八月幸西京九月王不豫發西京  
冬十月次于金郊驛疾大漸至長平門外薨于輦中  
壽五十二葬英陵

贊缺

木齋家孰彙纂麗史卷之二



